

畧陽縣鄉志
卷之三




陝西省圖書館藏
書號 D6317/621
冊數 12885

00826

畧陽縣鄉土志卷之三

格致部

物產錄



馬 爾雅釋名種類繁多邑人養之以代步驢羸亦馬屬邑山路崎

嶇為用甚多

牛

牛之名不一有沉牛潛牛通謂水牛也能沉沒水中

上林賦注

邑山峻

狼 狼跋其胡載震其尾風 生山內每夜入民家食猪羊時出傷人

狐 狐者妖媚之獸色雖有之不佳俗名草狐朱子集傳

獺 俗名水獺大者曰獺王氏字說毛黑長尾水居食魚本草綱目 邑中間或有之又

有山獺邑人未見此物即見之亦不識也

麝 似麀而小色雜毛粗常食柏葉名醫別錄 獵戶擊斃得香色頗貢二

兩令已折價充餉矣

禽屬 種類繁多僅就習見者著於篇

翠鳥 即翡翠水鳥也邑有此鳥通志翠似燕而紺色畜之能避火災郭注

鳧 水鳥俗名水鴨

鷺 水鳥一名鷺鷥食魚

雉 俗名野鷄分雄雌肉可食雄身有文詩所謂雉朝雉者鳴也夏小正注

烏鴉 處處有之又慈鳥孝鳥也

斑鳩 宛彼鳴鳩 詩經 俗傳小兒食之可除疳疾又鳴鳩一名布穀

鵠 狀類斑鳩性喜合羣

喜鵲 詩云維鵲有巢 朱子集傳 鵲善為巢最為完固

燕 一名元鳥 壘巢於室 春分至秋分去 一名乙燕又名天女 別錄曰紫胸輕小者是越燕有班黑而聲大者是胡燕 本草綱目

雀 小鳥一名賓雀即麻雀也

雞 工商執雞 周禮 春官 居民養之以佐饋戒旦故曰雞司晨又有山雞錦雞

二種山中多有之

鴨 家鴨曰鶩 周禮 春官 郭璞曰鶩鴨屬也 上林賦註

鵝 狀類鴻雁家人畜之可以守夜

鱗屬

蛟 龍屬其狀似蛇四脚細頸 說文 邑內遇漲大水相傳行蛟而未見其形

蛇 有水草木土四種傷人最毒 酉陽雜俎 山間多有之邑人莫辨其何種

鯉 赤色陳藏器曰從脊當中數至尾不分大小皆三十六鱗故有躍龍門之說

嘉魚 范志云 南二十里有石洞名曰丙穴出嘉魚小雅南有嘉魚

鯊 狹而小居水石底張口吹沙故曰吹鯊鯊鮓也 西京賦註

鱒 似鱒而鱗細赤眼 爾雅 俗呼赤眼鱒巨口細鱗

鱖 形似小蛇生稻田中背青腹紅俗名黃鱖不若巴蜀白鱖烹食佳

介屬

鼈 俗名團魚水居陸生穹脊連脇復以眼聽甲虫也

鱉 外骨內肉旁行邑內呼為旁鱉生水石間

螺螄 生於田澗為田螺黑殼白肉春間人取蒸之其肉自出 本草綱目 漢河尤多

蛤 似蚌而圓 漢書地理志 生於水畔大如指俗謂之蚌殼

蟲屬

蠶 其種甚多邑中祇有白色長二寸食桑柘經月餘成繭

蜜蜂有三種身小而微黃本草綱目邑人莫辨其詳統而謂之蜜蜂能採花蕊以釀蜜

脩冬食也

土蜂 居土穴間赤黑色 本草拾遺

馬蜂 樹間結居細腰者有四五種邑人難辨

巖蜂 山巖高峻處結包居之 本草綱目 即石蜜也

植物 穀屬

稻 生水田中邑東少有平原民引渠水為之城市經年買食不足

麥 其種不一詩云貽我來牟來即秣令之小麥也 會韻 秋種冬長春秀夏

實具四時之氣寒溫冷熱兼備之矣 馬志

青稞 麥屬也較他麥先熟 馬志云 久服黑髮

蕎麥 二種一春種夏實籽圓稜青色其性涼俗名苦蕎一夏種冬收三稜黑色

麩白其味甘 別錄

燕麥 一名雀麥苗葉似小麥而弱實如穰麥而細唐本草 邑農民多種於高山

高粱 本草綱目 本名蜀秫高七八尺葉似蘆穗如帚粒大如椒紅黑色米堅實黃

亦有黏不黏二種邑西鄉多以此作酒名曰高粱湯

豌豆 一名華豆有麻白二種農民多種 白以作粉 麻多啖馬

黃豆 有數種邑人研漿炊食呼為甜漿

小豆 有赤白黃綠四種綠白者佳

玉黍 俗名蕃麥又名苞穀春種夏秀秋實冬藏邑人全賴養生廣羣芳譜云

苗高數尺葉心別生一苞如稜魚形上出鬚如紅絨久則籽堅大如芡實

若秋霖則清風不實

木屬

松 產於巖阿貞心勁質禦攘冰霜以貫歲寒故君子儀之

柏 一名蒼官與松齊壽惟扁柏為貴柏雖多種性皆耐寒大可為棺槨爾雅

冬青 一名凍青又名萬年枝 廣羣芳譜

白楊 葉大圓如杏經風葉動其聲蕭瑟

桑 多種葉沃者曰沃桑不結椹不實可飼蠶結椹者亦有黑白二種

桐 數種一葉大皮粗高數尋作室楹器具一高丈餘綠皮結子如核桃內

分數辨能榨油名桐油

榆 榆莢生青後白形圓如小錢故又名榆錢

槐 庾肩吾常服槐實年逾七旬目明髮黑 顏氏家訓

椿 二種一皮細肌赤嫩葉時甘香可茹 本草綱目 俗名香椿一皮粗白高大可

作棟梁器物俗名臭椿因葉之有臭味也

皂莢 葉密大圓結莢小如猪牙者佳俗名皂角樹

青桐 有紅青二種高數丈生山石間紅者生木耳青者不生

構 產地坎間葉能飼猪皮可造紙邑北鄉土產

菓屬

石榴

本名安石榴漢張騫遊西域安石國得來故名有甘酸二種

杏

春生花夏結實有甜仁二種

桃

春始花夏熟紅詩經周南桃之夭夭灼灼其華

梨

肉厚味甘色雖有之不及邠州之美

柿

生青潘熟紅甜霜降則葉深紅而脫故曰霜紅柿葉稀

枇杷

葉如驢耳經秋開白花至夏結實備四時之氣熟色黃詩言摘盡枇杷一樹金

蔬屬

白菜

黃縐無絲者佳臨霜愈美秋末晚菘即白菜也南史

蘿蔔

有紅白二種可生噉亦可作羹

萬苴

自萬國來故名有白紫苦三種邑人無辨統名萬苴

黃瓜

本名胡瓜張騫遊西域得來陳藏器曰北人避石勒諱以胡易黃改呼黃瓜

南瓜 青蔓圓葉結實圓大熟而黃又名北瓜

絲瓜 一名蠻瓜始自南方來故名 本草綱目

茄子 一名落蘇又名崑崙瓜梗赤葉青結有圓茶紫白數種蒂有弱刺

韭 始生形如小麥春初早韭經冬名韭黃漢南所生 周禮天官云 朝事之豆

其實韭蛆

葱 葱凍處末 曲禮 葉青莖白軟美

蒜 一名葫蒜因胡國有蒜一蒜十子俗名大蒜 伏侯古今注 興元貢夏蒜唐書

地理志統名曰蒜味美少辛

蕨 召南言采其蕨春生苗如拳可食根能作粉邑人過荒年采根搗粉濟饑

草屬

茅 書爾于茅有黃白二種叢生荒郊邑人刈之以覆屋

白蒿 于以采藥 召南 藥蟠蒿也 毛傳 春始生可蒸茹 陸疏

水蒿 言刈其萋即水蒿也生水澤中

黃花蒿 一名臭蒿一名草蒿其蒿多種氣辛臭不可食廣羣芳譜

瓦松 產屋雷之上其形似松生必依瓦故名瓦松唐崔融賦

花屬

瑞香 冬春之交開花成簇長三四分狀如丁香共數種羣芳譜

迎春 春正月初開小花狀如瑞香黃色不結實

桂 葉對生厚而硬凌霜不凋枝條無直體花香異常有黃白紅數種

芭蕉 莖高丈餘葉長數尺花開紅如蓮者名紅蕉如蠟色者名水蕉

月月紅 灌生人家莖葉俱有刺逐月一開四時不絕俗名刺梅花

鑛物

鐵鑛 邑北鄉交徽縣兩當之間傳有鐵鑛工人多由外境運廠融化成版以為農器

之質邑人雖領有採試之照然資不甚優故作輟無常

文石

嘉陵沿江有種白石黑紋紋有在外有在內者或山水人物人因而想像之相傳吳道子畫嘉陵山水之遺蹟色有刮而磨之為翫器者

牛皮色內戒殺耕牛皮甚少間或有之用水泡軟乃條結繩為農家使用

羊皮詩云羔羊之皮人以粉糲去垢亦可成裘禦寒究不若其有之毛有絨而色有澤

動物製造

蜜 蜂采花蕊成片經秋取汁名曰蜂蜜不如鳳州之甘美

絲 絲吐於蠶有黃白色天抽條曰天絲人喜不及他處水絲之美

柿餅 餅成於柿因霜降紅熟削皮存釀以繩系蒂久則生霜甘美可食

植物製造

木耳 產青桐樹通十年之久伐則經年立生木耳必須時令調和旱則枯而不生霖則爛而不結

紙 色色甚多將楮皮蒸熟搗爛作漿用簾成曬名曰黑紙又用山竹造者其法如上

錘 北鄉金池院有廠將鐵鑄錘以供農用

鑛物製造

石灰 石有青白二色用柴新燒石成灰狀如粉

右崑蟲草木鳥獸諸類隨地皆生所產多有未能多識僅記耳目之所聞見者

商務錄

土產 外莊 陸運 水運

商務 本境所產之物

木耳 運出本境陸路至漢中府銷行每歲約八千餘觔若旱澇不均則減半矣

火絲 運出本境陸路至甘肅秦州銷行每歲不足二千兩

黑紙 運出本境陸路至甘肅瑤坪銷行每歲約七六百捆

柴胡 運出本境水程至四川銷行每歲約二百餘捆

以上土產皆係零星小販並非大商

他境貨物

布帛

土藥

花參

棉花

煙葉

蓮菜

藥材

薑

茗
柑橘

以上漢中府製造即非漢中製造經漢中來者皆陸運

青鹽

每歲約銷行二百餘担半運漢中出售

綿煙

係大宗不零售由白水江運四川銷行

徽酒

每歲約銷行不足三十簍

紅綠褐

每歲約銷行四五十丈

藥材

陸續過境

以上甘肅製造由徽縣瑤坪入境者皆陸運

紅糖

係大宗不零售

白糖

係大宗不零售

火紙

每歲約銷行一百餘捆

表紙

每歲約銷行一百餘箱

土巴碗

每歲約銷行二百餘副

以上四川製造入本境者或售或不售皆水運